

L E T T R E

DE MONSIEVR DE

LORRAINE ENVOYEE

au Duc de Mayenne.



A PARIS,

Iouste la copie imprimee par
Pierre des Hayes.

M. D C. X V.

LE TOME

DE MONSIEUR DE

FORRA

et de la

de la

de la

de la

de la

de la

de la

de la

de la

de la

de la

de la

de la

de la

de la

de la

de la

de la

de la

de la

de la

de la

de la

A PARIS

chez la copie imprimée par

Pierre des Hayes

M. D. C. X. V.

LETTRE DE MONSIEUR

de Lorraine, enuoyee au Duc

de Mayenne.

MON COUSIN,

LE Duc de Mayenne vostre pere, dix iours auparavant qu'il pleust à la Majesté diuine l'appeller de ces bas lieux, pour luy donner le repos duquel il iouïst à present, m'enuoya lettres par lesquelles il remercioit Dieu de trois choses, l'une de l'auoir retiré hors des tumultes ciuils, exempt d'aucun reproche, la seconde de ce qu'en toutes sortes d'occurrences il n'auoit iamaïs esté en l'ame partisant de l'Estat, & la troisieme de ce que luy mourant, il laissoit à la France le gage le plus precieux de sa fidelité, sçauoit vous qu'il obligeoit à imiter sa vie, ses vertus, son obeyssance, & l'integrité de ses affections au seruice du Roy, aux faueurs & bonnes graces duquel il resignoit le residu de vostre plus grande fortune, mais quoy? il faut que ie vous dise que maintenant ne sçauois ietter les yeux de ce grand seruiteur de Roy, & tant fidelle Conseiller d'Estat, que ie ne me donne des aussi tost aux larmes & aux regrets, voyant sa croyance & la mienne desmentie, par la mauuaise & blasmable procédure de vos armes & de vos actions: car qui seroit celuy des vostres qui n'auroit à

desplaisir d'entendre bruire tant de si bons François, & qui vous aiment, qui contre le serment solemnel que vous avez presté en la main de vostre pere deux heures auant sa mort, vous voulez seruir d'instrument pour troubler la France, & estre comme l'instigateur principal des entreprises peu loüable du Prince de Condé, en la compagnie duquel vous tenez rang de chef, mais chef d'un party directement opposé à celuy que vous deuriez tenir pour le seruice du Roy vostre maistre.

Je voy mon Cousin, que vous entreprenez vne guerre qui ne peut iamais finir à vostre auantage, au iugement des sages, puis qu'entreprise contre vne Maiesté souueraine, durant le bas aage d'un Roy, en la deffence duquel tous Souuerains se trouuent interessez, & de laquelle guerre il n'est que trop difficile, voire impossible pour iamais de vous en pouuoir titer sans crainte, sans danger & sans inconuenient, sans crainte, pource que vous embrassez vn party digne contre le Prince en ses Estats, sans danger pour ce que la France aura à iamais memoire que vous auez esté ennemy de son repos, & sans inconuenient, pour autant qu'en ce faisant vous encourez les disgraces de leurs Maiestez, les deffaveurs des Princes ses alliez, & les reproches des Princes de vostre sang, ternissant en cela la memoire de vos ancestres, l'auguste renommee de vostre illustre famille, & le nom florissant de ce grand Charles de Mayenne vostre Pere, vostre progeniteur & ayeul: au lieu que la bien-

vueillance des Roys de France, que le sang de vos predecesseurs vous auoit acquise, vous deuoit seruir d'un poignant esguillon pour vous contraindre à demeurer bien vny avec les Princes de vostre sang, alliez avec les meilleures pieces de l'Estat.

On sçait assez qu'entre vous, il ya quelques mal-contens qui adherans à vos humeurs, amplifient la fable par toutes sortes de plaintes, frivoles & hors de raison : car estans (comme on dict) malades de trop aise, outre le desplaisir qu'ils ont de gouverner tout, ny d'auoir tout à souhait, ils murmurent de voir auourd'huy la France & l'Espagne s'vnir l'une avec l'autre, par les liens sacrez d'une estroicte alliance: choses qu'ils redoutent à merueilles, comme si elle deuoit estre le coup fatal de leur ruine, encore que ie croye & tiennne tant de ces deux grands Monarques, qu'ils n'ont autre intention sinon de conseruer la paix entre tous leurs bons & fidelles subiers. C'est pourquoy ceste alliance estant autant desirée des gens de bien, qu'elle est reprouuee des malins, s'en va avec l'ayde de Dieu bien tost accomplie, nonobstant les artifices de ceux qui sement le bruit qu'elle ne se fait que pour circonuenir ceux de la Religion pretenduë reformée, monstrant en cela combien la passion les auugle. Car sa Majesté Catholique, est Prince si craignant Dieu, & doué de tant de rares vertus, que la France n'aura cy apres à craindre aucune mauuaise foy de sa part, non plus que nous sçauons que la France ne veut de son costé rien

alterer à la liberté des Edicts du Roy, octroyez
 à ses subiects, ny moins encore renoncer à l'amitié
 de ses anciens alliez, quoy que s' imagine &
 vous face croire vn grand de vostre bande, qui ne
 pouuant laisser florir la France, se persuade &
 vous va remonstrant que l'eternelle vnion de ces
 deux illustres Couronnes, ne peut restaurer en
 dix ans les maux que l'Espagne à faict souffrir à
 la France dans le temps & espace de deux ans,
 mais en vain vous & luy tachez vous de vous
 opposer à son progrez, en fin iettez vous la pomme
 de discorde parmy les grands du Royaume,
 pour les engager en l'interest de vos querelles:
 ia n'agarde le Duc de Guise vostre Cousin de se
 laisser si imprudemment aller à la vaine persuasion
 de vos Comptes: & bien que tous les vents
 soufflassent avec vous pour naufrager & abyssmer
 la France, tousiours ceste ancienne & florissante
 Monarchie se redressera glorieuse & triomphante,
 & verrez comme des vagues au pied d'vn grand
 rocher, se dissipent tous vos monopoles, & toutes
 les coniurations que vous scauriez iamais
 faire cōtre l'Estat & publique tranquillité: d'autant
 qu'il y a en France & hors de France, pour la
 France nombre infini de gens de bien qui sacrifieront
 tousiours tres volontiers leur vie pour la
 deffence & conseruation de l'autorité Royale.
 Car nous n'ignorons point, que comme c'estoit
 chose destinée à la seule famille des Scipions
 d'estre vainqueurs en Affrique, le Roy de France
 ne se reserve aussi de ces grands guerriers, qui
 sous les auspices de ses predecesseurs, ont tant

de fois vaincu & terrassé les ennemis de l'Estat,
 à fin de se servir de leur valeur, comme d'autant
 de foudres essancez de sa main, lors que ses mau-
 uais subiects auront attiré son iuste courroux sur
 leurs testes. Et partant mon Cousin, ostez vous
 du nombre de ceux à qui desia la France repro-
 che la honte, l'ingratitude & la mesconnoissan-
 ce du bien qu'ils ont receu de leurs Majestez:
 n'aydez point à rompre & dissoudre les choses
 pour lesquelles vous avez esté le digne entre-
 metteur, avec tant d'honneur, de gloire & de
 loüanges, souuenez-vous de tant de bien veil-
 lance que vous avez trouuees en la Majesté Ca-
 tholique, de tant d'affection que vous vous
 estes acquises au cœur de tous les plus grands
 d'Espagne, & quant & quant de l'honneur que
 vous auoient désiré leurs Majestez Tres-chre-
 stiennes en l'election de vostre personne en ceste
 digne charge, en continuant tousiours de bien en
 mieux vos affections & seruices fidelles enuers
 le Roy & son Estat, & non pas viser ainsi à tout
 perdre, comme vous donnez à presumer à tous:
 car croyez qu'il y a vn Dieu iuste & digne ven-
 geur de l'iniure faite à vn Roy de bas aage, le-
 quel sçauroit en vous confondant, le garantir
 de vostre oppression, en laissant à la posterité l'e-
 xemple du seuer châtiment de toutes vos vio-
 lences, desquelles ie vous supplie mon Cousin,
 abhorrer de tout vostre cœur, en faueur & sou-
 uenance de la fidelité de vos predecesseurs, en
 memoire de ce qu'avez promis à vostre Pere,

de ce que vous devez à la France, à la bonté du
Roy, à la simple debonnaireté de la Royné sa
mere, au contentement des Princes de vostre
Sang, & à l'amour particulièrement de moy qui
suis

Vostre affectionné Cousin Henry de
Bar, Duc de Lorraine.

De Nancy le dixiesme d'Octobre 1615.